

Enformaziuns y Comunicaziuns

Recordé: En domègna ai 23 de forá sarál la Domègna de Andreas Hofer, olache an recorda ince i tomés y pordüs tles veres. Cösc gnará fat con na picia funziun de comemoraziun dan le Monumont te cortina, do la gran mësxa.

Musical: Te internet él da odèi en musical sön la vita de Sant Ojöp Freinademetz da Oies, fat tla Cina. Al basta jí sön www.youtube.com y dé ete „Musical Freinademetz“, spo pón ince se chirí fora le link con i sottitui por talian o por todèsch.

Comune: Le Comune de Mareo chir ciamó en secundo famèi por 3-4 edemes da d'aisciöda, por vardé i tiers ete por la Val dai Tamerse. Che co á enteres dess präibel contaté le Comune o l'assessor Patrick Comprojer.

Consèi de Formaziun: Al gnará endó stampé le program de formaziun por la Val Badia. Les uniuns co ó che söes manifestaziuns vègni publicades, é bel periades da les dé ete sön la plata www.manif.it, anter i 25 de forá. Ci co vèn dé ete dedó, roará ma plü online y nia tla brosciüra stampada.

Viadus tal Saltá: I geniturs co á albü dal 2019 en möt/na möta, y ess ienn da lascé publiché söa foto tla plata de Comun „Le Saltá“, é bel enviés da mené adalerch na fotografia te bona cualité ala mail palfrader@rolmail.net, anter i 25 de forá. Iolan

Sorvisc ai Jogn: Le Sorvisc ai Jogn Val Badia chir por le „Isté Deboriada 2020“ jogn y jones co á ligrèza da laoré con mituns y mitans desco animadus/dèsses (an mës avèi complí 18 agn). Emplü ti vègnel ince pité a jogn y jones dai 16 agn ensö, la posibilitè da se fá na bela esperionza tal laur con mituns tres en practicum y se davagné val' dertan l'isté. Por enformaziuns y por s'anunzié cherdé sö le Sorvisc ai Jogn al 0474 523070 (lön - jöb dales 8:00 ales 12:00) o Manuela al 371 4780867, e-mail: manuela@jogn.org. Termo por dé jö les domandes é ai 29 de forá 2020!



Impressum: Ploania d'Al Plan, str. Catarina Lanz nr. 46, 39030 Al Plan de Mareo
Comunicaziuns - cina al dedemesaledema sèra - da mené a: Pablo Palfrader
Tel. 333 4762010 Mail: ploaniaalplan@gmail.com
Download plata: www.unitepastorala.org



Plata dla Ploania Al Plan de Mareo San Vighile

Ploian: Signor Klaus Sottsas
E-Mail: ploaniaalplan@gmail.com

Calogna Al Plan: 0474 501006
Radio de Ploania: 93,00 MHz

UNITÉ PASTORALA



VAL BADIA
www.unitepastorala.org

Ann A

16.02.2020 - 6a domègna ia por l'ann


nr. 12

I ne sun nia gnü a tó jö, mo a complí...



Dal Vagnele do San Mateo 5, 17-37

Te chël tomp ti á Gejú dit a sù discepu: ¹⁷N'orede ponsé, ch'i sides gnü a tó jö la lege o i profec. I ne sun nia gnü a tó jö, mo a complí. ¹⁸Amen, chël ves diji: cina che le cí y la tera ne passa nia ia, ne passará gnanca la mëndra lètra dla lege, denant ch'al ne sides döt complí. ¹⁹Chël co tol jö ince ma önn dai plü pici comandamonc y co ensègna la jont aladó, chël sará le mëndar tal règn dal cí. Mo chël co i osservèia y ensègna da i osservé chël sará gran tal règn dal cí. ²⁰Porchël ves diji: Sce osta iustizia n'é nia cotan maiú co chëra dai stüdiés dles scritöres y dai farisei, ne roarèise nia tal règn dal cí. **Parora dal Signur. – Lait a te, Gejú Crist!**



Cosses demorvèia



Por ester encontonc n'él nia emportant da avèi deplü, mo da se dejidré demanco. Trec fej avisa le contrar. Ai é malencontonc con ci che ai á, porchël se cumprai patüch che ai n'adorass gnanca. Ma deache l'ijin l'á ince, o deache le retlam le dij, o deache ai ó fá parüda dan da zacai che ai ne soporta nia.

No fá empara! T'as ma val' deplü che te n'adores nia y belo en doman vèigheste endó val' d'ater. Tert o adora t'an anadaste che dötès cöstes cosses demorvèia te ne fej nia encontont. Rich y encontont ne n'erste nia sce t'as trepes cosses, mo sce te pos fá a manco de trepes cosses. No chirí bèn dio da avèi richèzes, mo sideste enstès richèza - por i atri.

Ciodi n'é pa nia les porsones plü riches ince les porsones plü encontontes? **Ai vèn schiavi de söes ieranzes materiales.** Mo contentèza n'á nia da fá con avèi. An ne la ciafa nia tai auti cérs y gnanca sön les spones dal mer delá dal ozean, ares ne depènn gnanca dai bogh davagns, dividenc y onorars. Ciara da avèi en cör encontont, spo sarál ince la contentèza co te vèn adencuntra. Lascia che i atri la chiri ales Hawaii.

La porsona adora chët... mo le svilup ti á porté le fracac.

La porsona adora bunté... mo le svilup ti á porté la concorènza.

La porsona adora Chël Bel Dio, mo le svilup ti á porté i scioldi.

(Phil Bosmans)

Edema liturgica dai 16.02. ai 23.02.2020

DOM 16.	6. domègna ia por l'ann	<i>Juliana, Filipa</i>
08:30	<i>s.m. a La Pli</i>	
10:00	Gran Mëssa por dōta la ploania	<i>oferta por la ploania</i>
	S.M. por +nta Anna Tavella – por +nt Silvester Peslazz	LAD
	S.M. por +nt Paul Palfrader – por +nta Monica Erlacher	
18:00	S.M. por +nc' Ties Angela da Plazores y Ties Angelo de Col	ITA
	S.M. por +nta Maria Teresa Trebo de Pire	
	S.M. por +nt Kosta Josef – por les Püres Animes plü tralasciades	
Lön 17.	<i>I set sanc fondadús dal ordinn dai Servic, Marzel</i>	
18:00	S.M. por +nta Lidwina Promberger	DEU
	S.M. por +nta Eugenia Gasser, Peccèi – Püres Animes	
	S.M. por +nt Renzo Baldanello – por +nt Otto Delleg	
Ded 18.	<i>Sciomun, Constanzia</i>	
19:30	Corona	
Dem 19.	<i>Irmgard, Bonifazio</i>	
	Vijita personala te dilijia y cortina	
Jöb 20.	<i>Amata, lordan</i>	
	Vijita personala te dilijia y cortina	
Ven 21.	<i>Pire Damiani, German</i>	
07:10	S.M. por i scolari	LAD
	S.M. por +nc' Clara y Ludwig Rigo, Curt – +nt Vinzenz Clara Lungiarü	
	S.M. aniv. por +nta Ida Pisching de Candido	
	S.M. por +nc' Pire y Rosa Willeit da Sach	
15:00	Corona de adoraziun	
Sab 22.	<i>festa dla Catedra de San Pire, Diego, Isabella, Margareta da Cortona</i>	
17:30	corona	
18:00	S.M. aniv. por +nta Rosa Crepaz Mutschlechner y Crepaz Lino	ITA
	S.M. por +nt Paul Pitscheider, Ciasé – por por +nt Pire Kastlunger dal Medo	
	S.M. por +nt Isidoro Castlunger da Grones – por Fam. Castlunger da Grones	
DOM 23.	7. domègna ia por l'ann	<i>Policarp, Otto, Romana</i>
	Domègna de Andreas Hofer – comemoraziun te cortina	
08:30	<i>s.m. a La Pli</i>	
10:00	Gran Mëssa por dōta la ploania	<i>oferta por la ploania</i>
	S.M. por +nt Ties August – por +nta Anna Tavella	LAD
	S.M. por +nt Ernesto Trebo Hotel Al Plan	
	S.M. por +nta Hermine Pallhuber Rubatscher	
18:00	S.M. por +nt Albert Ferdigg Mantëna	ITA
	S.M. por +nc' Lois, Nina y Agnes Oberbacher	
	S.M. por Fam. Pedevilla Berta y Fonjo, Soröa	
	S.M. de renger. por Fam. Erardi Oswald y Christine	
	S.M. por vís y +nc' dla Fam. Erardi	

I ponsun do

Gejú pretënd: I dess tó sö i atri desco fredesc y sorus. La - iustizia nea- de chëra che le Vagnele baia, á söes raisc tal cör dla porsona. Chi co azeta cōsta iustizia, é por la vita.

I periun

Signur, nosc Pere, to Fi nes chërda a na iustizia co vëgn dal cör. Dásse la forza da agí por le bëgn dla porsona y dla vita. Por Crist, nosc Signur.

Iu crëii ...

Iu crëii te Dio, co é amur, y co ti á scinché la tera a dōtes les porsones. Iu ne crëii nia al dërt dai plö stersc, ala forza dles ermes y ala potënza dles opresciuns.

Iu crëii te Gejú Crist, co é gnü a nes varí y a nes delibré da vigne dependënza mortala.

Iu ne crëii nia che la vera y la fan tal monn sídes valch che an ne pó nia combate,

y che al sídes imposcibl da arjunje la pesc.

Iu crëii tla comunité dai sanc, co é cherdés al sorvisc de vigne porsona. Iu ne crëii nia tal'inutilité dla soferonza y che la mort sídes la fin.

Iu crëii, che Dio óis por la tera en ordinn, co se basëia söla iustizia y sön l'amur, co vëiga la parité nanter èl y ëra.

Iu crëii tal empormetüda de Dio, da realisé iustizia y pesc por vigne porsona.

Iu crëii tal empormetüda de Dio, de fá en Ci nö y na tera nea,

olache iustizia y pesc se dá la man.

Iu crëii tla belëza dal sciompl, tal amur con mans davertes, tla pesc söla tera.

Amen

(Encuntada mundiala dai Cristians a Seoul, 1990)

**Gibt es eine bessere Form
mit dem Leben fertig zu werden
als mit Liebe und Humor?**

Charles Dickens



Deike



Finde die acht Fehler!

Sorvisc dai Ministronc

Lönesc 17/02 (18:00h), Vëndres 21/02 (07:10h): Nicola Ties, Simon Trebo;

Sabeda 22/02 (18:00h): Marco Alberti, Sofia Castlunger, Mattia Leggio, Jan Paul y Anna Promberger, Angela Trebo, Niki Fappani, Maja Compojer;

Domègna 23/02 (10:00h): Matteo Huber, Roman, Fabian y Matthias Kaneider, Romina Palfrader, Sophie Rungger Kuprian, Felix Feichter;

Domègna 23/02 (18:00h): Michael Leimegger, Chantal y Melanie Feichter, Hannes, Andy y Mattia Ploner, Damian Winkler, Sue Barreda Valdivia;

N. B.: Düc i ministronc é entres begnodüs da gní a sorví, ince sce ai n'é nia scric sö!

